

GUACANAGARI	PONTIAC	BLACK HAWK
MONTEZUMA	CAPTAIN PIPE	KEOKUK
GUATIMOTZIN	LOGAN	SACAGAWEA
POWHATAN	CORNPLANTER	BENITO JUAREZ
POCAHONTAS	JOSEPH BRANT	MANGUS
SAMOSSET	RED JACKET	COLORADAS
MASSASOIT	LITTLE TURTLE	LITTLE CROW
KING PHILIP	TECUMSEH	SITTING BULL
UNCAS	OSCEOLA	CHIEF JOSEPH
TEDYUSKUNG	SEQUOYA	GERONIMO
	SHABONEE	



TO PERPETUATE THE HISTORY
AND DEVELOPMENT OF THE
PEOPLE REPRESENTED BY THE
ABOVE CHIEFS AND WISE MEN
THIS COLLECTION HAS BEEN
GATHERED BY THEIR FRIEND
EDWARD EVERETT AYER

AND PRESENTED BY HIM
TO
THE NEWBERRY LIBRARY
1911

ent

W. Brown

22

IONTERIAIENSTAKSA

NE

KARISIIOSTON TEIEASONTHA,

КАНАСАКЕНА.



TIOHTIAKI,

TEHORISTORARAKON LOUIS PERRAULT.

1844.

Nous, Soussigné Evêque de Montréal, avons approuvé, et approuvons par les présentes, LES PRIÈRES CHRÉTIENNES, LE PETIT CATÉCHISME ET L'ABRÉGÉ DES VÉRITÉS DE LA RELIGION en langue Iroquoise, après Nous être assuré, par l'examen qui en a été fait par Mr. J. B. Roupe, ancien Missionnaire de St. Régis et du Lac des deux Montagnes, Mr. Joseph Marcoux, Missionnaire du Sault St. Louis, Mr. Nicolas Dufresne, Missionnaire des Iroquois au Lac des deux Montagnes, Mr. Léonard, l'un des Pères Oblats, ancien Missionnaire du dit Lac des deux Montagnes, et Mr. François Marcoux, Missionnaire de St. Régis, que cet ouvrage était en tout conforme à la doctrine de la Ste. Eglise Romaine. Voulons qu'à l'avenir le dit Catéchisme soit le seul qu'il soit permis d'enseigner dans les Missions susdites du Sault St. Louis, du Lac des deux Montagnes, et de St. Jean François Régis.

Donné à Montréal, le douze Septembre Mille-huit-cent-quarante-trois.

† IG. EV. DE MONTRÉAL.



IONTERISAIENSTAKSA

NE KARIŠIIOSTON TEIEIASONTHA.

I. TEIEIASONTHA.

Sarišiioston ken?

Sakerišiioston, rakitenron ne Rašenniio.

Onka iakorišiioston iontatiats?

Ne iakoteneksaheston, akšekon iontontats tsini
hašennoten Iesos.

Nahoten akoteniententsera niakorišiioston?

Tsi teieiasontha.

To tetsiasonten.

† Rasennakon Roniha, nok Roienha, nok Rotkon
roiatatokenti; ethonaiašen.

Katke nataieiasonten?

Tsinaehie, tsi nakotaše, tsi naonterennaien, tsi-
nateionskahonne, tsinaekšentane, nok oni ne
šatiakotonharenron othenon aiakonikonhrotako not-
kon.

Oh niašens natieiasonten?

Ok sa ok onteko Notkonseraksen; senha šasako-
nonšene ne Rašenniio, šasakoianerenste oni.

II. TSINIHAIATOTEN NE NIIO.

Onka ionkšaiatison?

Niio sonkšaiatison.

Nahoten ra8eron tsi sonk8aiatison?

Ra8eron : aionkienterihake, aionkenon8ehake, aionke8ennarak8ake oni oni tsinen8e eniakonnheke, nok nentia kori8aieriton eniontsennonni karonhiake tsi neniontonnhokten.

Toni haiatoten ne Niio?

Ronikonhroskon, iah othenon tetiotokte tsini haia-toten ; roronhison, raon8entsison ; ak8ekon oni raonhatsi8a ra8enniio tsi tionnhe.

Nahoten aori8a tsi ionton : ronikonhroskon?

Ne aori8a tsi iatehaiatonte ; iahtehaiataieronni ; iah kati taonton ahon8aken non8entsiake iiens.

Kanihenteron ne Niio?

Okti8ak8ekon renteron ; karonhiake, on8entsiake, on8entsiakon oni.

Ohnihatierha karonhiake?

Sakotsennonniatennis ne tieteron.

Ohnihatierha non8entsiake?

Ori8ak8ekon ratsteristha.

Ohnihatierha non8entsiakon?

Sakohre8atha notkonseraksens ; etho oni sakoia-tonties nonk8e iakori8anerahakskon.

III. ASENSERATOKENTI.

Totasa8e ken ne Niio tsi ronnhe?

Iahten ; ok sironnhe, tiotkon oni enhronnheke.

Tonihati ne Niio?

Saiatat ok, iah taonton tohka nahatihake.

Tonihati raonhakon ne Niio?

Asen ; Roniha, Roienha nok Rotkon roiatatokenti.

Niio Ken ne Roniha?

Niio ne Roniha; Niio ne Roienha; Niio oni ne Rotkon roiatatokenti.

Asen katiken nihati ne Niio?

Iahten; ne ok ne asen natehaisere; saiatat ki ok tiotkon ne Niio RaSenniio tsi tionnhe.

Onka kakoSanen nasennihati?

Ok satehonnas, aseken skanikonhrat, skaSennioserat oni tsi asennihati.

AkSekon ken tehakanere ne Niio?

AkSekon tehakanere, aseken okti8akSekon teneron; tehakanere oni tsini iakonikonhra8ens akSekon nonk8e.

IV. ONK8E ROTATONNI.

Kanikaien nasen nihati onk8e rotonhon?

Nene Roienha, Iesos Kristos sonk8aSenniio ron8aiats.

Onka ron8ate8eton Iesos Kristos?

On8ari ioiatatokenti iate kanak8aienteri.

Oh ni ia8enhon tsi iote8eton Non8ari, iah se te kanak8aienterihne?

Raonha ne Rotkon roiatatokenti roson Iesos raieronke nok raotonnhetston On8ari kaiatakon.

Nahoten ra8eron Niio Roienha tsi onk8e rotonhon?

Ra8eron; aonsakenerensi nonk8e iakonask8aientak8e notkonseraksen; ra8eron oni: aonsakeri8ah-tonte ne kari8aneren; aonsakeskontako nonk8e on8entsiakon taiakotonnhakarihon.

Tokenske katiken aiakotkaronnihon nonkse, niah onkse tahotonhon Niio Roienha ?

Tokenske aksekon nonkse aiakotetsiraton nonSentsiakon.

Toni Senniseroten rotonni Niio Roienha ?

Ne nonsa konSaiats *Sahatonni* raSennisera.

Ohni hoieren nonSentsiake sireskse ?

Sakorionnienni nonkse tsi naieiere naiakoiatatokentonhake, sakoseronnienni oni ioianerenstaksa nakotonnhetston : sakoronhiakense, sakaSenheiaseni.

V. SESAKOSKONTAKSEN.

RaSenheion katiken Niio Roienha onkse rotonhon ?

RaSenheion tekaiasantne ; ne raSenheiaton tsini sakononshon nonkse : raSeron : ii akiheie, akaonha aiakonnheke nonkse nok aiakoientake aiontsennonni karonhiake tsinense.

Toni Senniseroten raSenheion ?

Ne nonsa konSaiats *RonSaiatanentaktonne* raSennisera.

Toni Senniseroten sotonnheton ?

Ne nonsa konSaiats *Sonsahatonnhete* raSennisera.

Toni Senniseroten karonhiake ieshaSenonton ?

Ne nonsa konSaiats : *Iesos karonhiake sonsarete* raSennisera.

Toni Senniscroten tonnhaon ne Rotkon roiata-tokenti ?

Ne nonSa konSaiats *Rotkon roiatatokenti* raSen-
nisera.

Ka tenteron nonSa ne Iesos ?

Niio tsini haiatoten, okti8ak8ekon tenteron ; nok
Onk8e tsini haiatoten, karonhiake Okaristiakon oni
renteron.

VI. KENHEION.

Ak8ekon ken ente8enheie ?

Ak8ekon ente8enheie, katke ki ok, raonha en-
tennonton ne RaSenniio.

To nenioiata8en ne te8aieronke kenha ?

Okenrokon enkonSaiatata.

Iaten8atkonten ken nokenrokon ?

Iahten ; tsi nense8aton8entsiarisi ense8atonnhete.

Enkenheie ken non8atonnnhetston ?

Iah ne non8enton takenheie.

*Oh kati nenioiata8en nonen tenkiatekhasi ne
te8aieronke kenha ?*

Raonha ne RaSenniio ok sa ok tenhaiatorete tsini
iori8aien ne kari8iio kari8aksen oni.

*Ka kati niienhen8e nonk8atonnnhetston nonen ten-
haiatoretak8enton ne RaSenniio ?*

Tokat karonhiake, tokat on8entsiakon tokat oni tsi
tetieseronniatha kaSenniio ki tsineniakotateri8atsen-
riase.

VII. NONEN IAKA8ENHEION.

Onka ok sa ok karonhiake eniente neniaiheie ?

Ne niah non8enton teiakori8aneren ; ne oni nia-
kori8anerenhenne, nok tsiakotatre8aton, ak8a oni
tetsiakori8aserak8en, sekon on8entsiake siiensk8e.

Nahoten iontsennonniatak8a ne karonhiake ?

Ne iontsennonniatak8a tsi ron8akens ne Ra8enniio
ron8anon8es ori iatekakonte.

Onka on8entsiakon eniente ?

Ne niakori8anerahakskon ron8a8ennontion ne Ra-
8enniio, nok iahtetsiakotre8aton sekon on8entsiake
tsi iensk8e.

*Nahoten teiontonnhakariatha niakori8anerahaks-
kon non8entsiakon ?*

Ne teiontonnhakariatha 1. iakonikonhranon8akta
tsi iakori8aneren, iahten tsi tense8aterisionhe ; 2.
teiontonnhakariatha ne tsi ieiatak8ekon sahontetsi-
rate otsirake iate8as8as ; 3. teiontonnhakariatha ne
tsi iatekakonte teiakotekhasion ne Ra8enniio, iah
non8enton tiiahon8aken, tiotkon tenhnon ensakos-
senseke.

To nen8e teniontonnhakariaseke non8entsiakon ?

Tsinen8e enhronnheke ne Ra8enniio ; iah kati
non8enton tataontaieiakenne, aseken iah non8en-
ton tiiahatonnhokten.

Onka tsi tetieseronniatha eniente ?

Ne Niakori8iioston kenha, arekho ak8ekon tate-
tsiakori8aserak8en tsini iakori8aneren sekon on8en-
tsiake siiensk8e.

*Nahoten ieronhiakentha tsi iakotiaktani tsi te-
tieseronniatha ?*

Ne ieronhiakentha tsi iahtehon8akens ne Ra8en-

niio, tiotkon ron8aiatisaks tsini hon8anon8es; ne oni
ieronhiakentha tsi 8ahontetsirate; katkeha sane en-
tsiontiatontako, karonhiake eniente.

VIII. KARI8ANEREN.

Nahoten ne kari8aneren?

Kari8aneren kon8aiats, tsi ron8a8ennonties ne
Ra8enniio, nok tsi konkakennonties ne Kentiohk8a-
tokenti.

Toniori8ake tateiori8ate ne kari8aneren?

Teiori8ake: enskat *kari8anerahakserakaion* nok
enskat *kari8anerahakserase*.

Nahoten ne kari8anerahakserakaion?

Ne kari8anererahakserakaion kon8aiats, ne raotiri-
8anerakaksera tonatierenton nonk8e; te8ak8ekon
tionkiri8anerahakserarhon sete8ennakerate.

Nahoten ne kari8anerahakserase?

Ne kari8anerahakserase kon8aiats, nok ii ne tion-
k8e te8atsenries, ii te8atateri8anerahakserarhos,
nonen ionk8anikonhroton non8entsiake.

Toni iotitiohk8ake ne kari8anerahakserase?

Teiotitiohk8ake: enskat *iori8atsanit* nok enskat
kenniiori8asha.

Nahoten ne iori8atsanit?

Iori8atsanit kon8aiats, ne ak8a ioiataksatha non-
k8atonnhetston, skarisions ioianerenstak8a, ionk8an-
nhotons karonhiake, nok ionk8anaktaiennis non-
8entsiakon.

Nahoten ne kenniiori8asaasonha?

Kenniiori8asaasonha kon8aiats, nok eken

iotsiihtonnis nonk8atonnhetston, kentaksata oni ioia-
nerenstak8a, iah sane ak8a teskarisions.

IX. KONTIRI8ANERAHAKSERAK8ENNIOS.

Toni ori8ake ne kontiri8anerahakserak8ennios?

Tiatak niiori8ake : kanaiesera, kanionsera, kana-
k8aiesatsera, kanosasera, iakaores, kanak8ensera,
nok iakentorha.

Nahoten ne kanaiesera?

Kanaiesera kon8aiats, ne sotsi iontatkonnienstha
nakaonha, nok iontatkenhronnis nakoren, iienhre ii
senha Sakiatanehrak8at.

Nahoten ne kanionsera?

Kanionsera kon8aiats, ne sotsi iakonikonhranen-
takon ne kaientaon non8entsiake.

Nahoten ne kanak8aiesatsera?

Kanak8aiesatsera kon8aiats, ne iontsteristha iote-
ri8atehat sonha.

Nahoten ne kanosasera?

Kanosasera kon8aiats, ne iakotatenikonhrotak8en
nakoren Saontsennonni.

Nahoten ne iakaores?

Iakaores kon8aiats niateionterientarha tsi teionts-
kahons nok tsi iehnekirha.

Nahoten ne kanak8ensera?

Kanak8ensera kon8aiats, ne sotsi ontorianeron
nakonikonhra, iakonnhas aioutats8en.

Nahoten ne iakentorha?

Iakentorha kon8aiats, ne iakoterihonkohtennis

kari8iistonke, nok oni ne ionnikonhrokta kaioten-
sera sonha non8entsiake.

Oh nahoten ne iontateri8anerahaktennis ?

Iontateri8anerahaktennis kon8aiats, nene tokat ie-
Sennake, tokat ie8eiennake, akoren 8aontatenikonh-
renhaSite kari8aksenke, ia8et iaontatreke noneshon.

X. ASEN NIKONTIRI8AK8ENNIOS RA8ENNNIOKE.

To niiori8ake ne kontiri8ak8ennios ra8ennnioke ?

Asen niiori8ake, iakori8iistakon, iakorharekon,
nok Ron8anon8esta niio.

Nahoten ne iakori8iistakon ?

Iakori8iistakon kon8aiats, tsi sako8is ne ra-
8ennnio naontaiaka8ehtakon tsinikon sakoriotasienni
nonk8e, ne ionk8arionniennis kentiohk8atokenti.

*Kanontkaien ne kontiri8ak8ennioson ne kentiohk-
8atokenti ionk8arionniennis ?*

Ethonon ieioteroron tsi ierihokta *Te8akehtakon
niio roniha* &c, ne ronaterennaientakserison iesos
ratik8ekonne, sathonreni non8entsiak8ekon.

Serihokten iakori8iistakon ?

Se8ennnio te8akehtak8en ak8a ori8iio tsinikon
ionk8arionniennis ne kentiohk8atokenti, aseken ise
tisa8enninekenhon niahtaonton asenno8ente.

Nahoten ne iakorharekon ?

Iakorharekon kon8aiats, tsi sako8is ne ra8ennnio
nak8ah aiakorhareke tsini sakorharatstenni nasa-
koiena8ase ne karonniake aiontsennonni.

Sokten ne iakorharekon ?

Se8ennnio ak8ah 8akerhare nenskiena8ase tsina-

kiere ne karonhiake akatsennonni; ne enskitenrate tsini sonk8atsennonniatenni iesel sonk8a8enniiio, aseken ethoni sk8arharatstenni.

Nahoten ne Ron8anon8esta niio?

Ne ron8anon8esta niio kon8aiats, tsi sako8is ne ra8enniiio ne raonha ahon8anon8ehake tsini hoianere nok ne raonha raori8ake aiontatenon8ehake ne sateiakonk8e tsi nakaonha niiontatenon8es.

Sokten ne Ron8anon8esta niio?

Se8enniiio sonhatsi8a konnon8es akenikonhrak8ekon, aseken iahtii8aiehe8e tsini saianere; nok ise sari8ake khenon8es ak8ekon nonk8e tsi nii nikatatenon8es.

XI. ATERENNAIENS.

Nahoten kak8enies asonk8entenre ne Ra8enniiio?

Tsi ionterennaiens.

Nahoten ne ionterennaiens?

Ionterennaiens kon8aiats, Ra8enniiioke iontennikonhrenha8i8a nahon8ennitentase.

Rathontats ken ne Ra8enniiio tsi ionterennaiens?

Rathontats ne iakonitenton, niiatekon sakotenre.

Katke niioteri8ison naionterennaiens?

Arahonne tsi nahontketsko, tsi nakota8e nok tika-te ne 8atiakotieronniense othenon non8entsi8aie.

Ohneniakoiata8en niate ionterennaiens?

Eniakoteri8ahtonse tsi iakori8iioston, nok en8ata-tenask8aienhase notkonseraksen tsi iakonnhe.

Raonha ken ron8ennitentase ne Ra8enniiio tsi ionterennaiens?

Iahten : ranon8es oni nakon8ennitentase Non8ari, ahon8ennennitentase oni Eronhiakehronon nok Nakoiatatokentison, naionki8ennakarata tsi te8aterennaiens.

Kanikaien ne kontiatak8eniios ionterennaientak8a ?

Ne 1. *Tak8aienha* ne Iesos roterennaientakserison ; 2. *On8ari tekonnoronk8anion*, ne raoti8enna ne Raronhiakehronon nok Narisa8et oiatatokenti.

Onka ioson noia sonha ionterennaientak8a ?

Nene Kentiohk8atokenti nok Nakoiatatokentison.

XII. ORISATOKENTIKO8A.

Toni karihoten nori8atokentiko8a ?

Ori8atokentiko8a kon8aiats ne nak8ah raonha Iesos rori8ison naiakoiatatokentiste nonk8e.

Nahoten kanoronstakon Nori8atokentiko8a ?

Ne kanoronstakon Nori8atokentiko8a, tsi etho roien Iesos tsinikon sonk8atsennonniatenni sasonk8aronhiakense sasonk8enheiasa oni.

Toni ori8ake Nori8atokentiko8a ?

Tsiatak niiori8ake ; Iontatenek8ahestha, Iontatkentsiokhas, Okaristia, Se8atateronk8enni, Iontatiatokhas teiakokonhentons, Iontaterihontak8a naiehasen nok Te8ateranekenseratokenti.

Toni karihoten Iontatenek8ahestha ?

Iontatenek8ahestha kon8aiats, Ori8atokentiko8a ne skarake8atha kari8anerahakserakaion, kari8anerahakserase oni aiakori8aientak8e ; ionk8anisera8is ne

Ra8ennio, nok ionk8anistensera8is Iesos raotioh-
k8atokenti.

Toni karihoten Iontatkentsiokhas?

Iontakentsiokhas kon8aiats, Ori8atokentiko8a ne ionk8aiata8is Nijo Rotkon rojatatokenti, sonk8aiare-nstha tsi sonk8atiennis, sonk8anikonhrahnrats oni ne kari8iioston aete8enheiate.

Toni karihoten Okaristia?

Okaristia kon8aiats, Ori8atokentiko8a, ne roiata-
setak8enhaties rahonha Iesos sonk8a8enniio, ak8a
tsini haiatoten karonhiake, iken ne raieronke, rao-
nek8ensa, raottonhetston ak8ekon oni ne raoniosera,
etho ionatasetak8enhatie tsi kaieronni kanatarok
kenha, otsitsia kenha oni.

Toni karhonen Ohaseratokenti?

Ohaseratokenti konSaiats, tsi rahasens rori8aienis ne Ra8enniio Iesos raieronke nok raonek8ensa.

Toni karihoten SeSatateronk8enni?

SeSatateronk8enni kon8aiats Ori8atokentiko8a ne
skarake8atha tsini iakori8aneren tsinahe tiakotene-
k8aheston.

Toni karihoten Iontatiatokhas teiakokonhentons?

Iontatokat has teiakokohentons konSaiats, Ori-
Satokentiko8a ne tsiotsientha tsi teiakohentons on-
k8atonnhetston; arens oni tsiotsientha nieronke
naonsaionton tsi iakonon8aktani.

Toni karihoten IontaterihontakSa ne ratihasens ?

Iontaterihontak8a ne ratihasens kon8aiats Ori8a-
tokentiko8a ne Iesos ron8ari8a8ase ori8atokentison-
ha, nok rotiiena8ase oni ahotiri8aieritonhatie tsini ho-
naterihonte non8entsiake.

Toni karihoten Te8ateranekenseratokenti ?

Te8ateranekenseratokenti kon8aiats Ori8atoken-
tiko8a, ne iatekakonte teiakorahnekens, ia8et tsion-
k8etat akenhake ne teionk8etake, nok iakoiena8ase
oni kari8iiostonke aiontatehiaron ontatienha enken-
hake.

XIII. IONKIATENIENTENSE.

To naieiere ne karonhiake aiontsennonni ?

Ahon8a8ennaieritseke ne Ra8enniiio, akon8a8en-
naieritseke oni ne Kentiohk8atokenti.

Toni ha8ennake ne Niiio Ra8enniiio tsi tionnhe ?

Oieri : Saiatat ok Niiio hetse8enniiostak, etc.

Nahoten kon8aiats Iesos raotiohk8atokenti ?

Iesos raotiohk8atokenti kon8aiats ne raonha rotioh-
k8ison, akotiohk8ak8ekon Iakori8iioston teieia-
sontha, sakotsteristha Ari8a8akonko8a ne ron8ako-
8anen Ratiri8a8akonson ron8aiena8asehaties.

*Iah ken taonton karonhiake aiontsennonni niah-
teieiatate ne Iesos rotiohk8ison ?*

Iah taonton, aseken ne ok ne raonha rotiohk8ison
ratak8enniahienni ne raoianerensera.

Toni ka8ennake ne Kentiohk8atokenti ?

Tsiatak : Tsiatarak Ohaseratokentonke, etc.

XIV. IOIANERENSTAK8A.

Nahoten ne Ioianerenstak8a kon8aiats ?

Ne Ioianerenstak8a kon8aiats, tsi sakotenre ne
Ra8enniiio, sako8is naiakoianereke non8entsiake,
naiontsennonni nohnaken karonhiake.

Nahoten sonkSentenratha ne RaSennii?

AkSekon ne sonkSentenratha tsi sonkSaronhiakense nok sonkSenheiasa Iesos.

Oh niot tsi sonkSentenre ne ioianerenstakSa?

Arens sonkSanikonhrataas tsi teSaterennaiens; nok ne senha kontihaSanions nioianerenstakSaokon noriSatokentikoSa konSaiats.

Iah katiken taonton nok akaonha aienrheke aontakeriSaierite?

•Iah nonSenton tiaonton, niahtasakoienaSasere ne RaSennii.

*Oh neniakoiataSen ne ionteraiatakSa tsi tesa-
kosSatetennis ne RaSennii?*

Asatakon eniakonnheke, nok kariSanerahaksera-
kon eniontonnhokten.



SE8ATATERONK8ENNI.

Toni karihoten Se8atateronk8enni?

Se8atateronk8enni konSaiats, OriSatokentikoSa ne skarake8atha tsini iakoriSaneren tsinahe tiakotekSaheston.

*AkSekon ken skarake8atha nok oni ne ioriSa-
tsanitenions?*

AkSekon skarake8atha, kaSennii aieriSaierite ori8akSekon tsini hotenienten ne RaSennii.

To kati niiori8ake aieriSaierite naonsonterakeSe?

Sisk niiori8ake: 1^o aieri8isake tsinikon iakori8aien niotaksen; 2^o aonsaiontonnhakanonni; 3^o aionterien-

tasa ; 4^o ahonSarihoktase Iesos rori8a8ase tsinikon lakehiare ; 5^o taonsaieri8aserako.

§ 1. AIERI8ISAKE.

To naieiere naieri8isake ?

Aiontiatarako tsi ionk8ehne, ahonSennitentase ne Ra8enniiio, aiairon ; “Se8enniiio tsi konnhe ise sateri-
“entare tsini 8akerikaneren, aseken iah othenon te-
“saneherens ; takitenr kati aonsakehiarane tsinikon
“konnikonhraksaton, aontiesenhake taonsakeri8a-
“serako tsi sekon skennen ikes non8entsiake, tosa
“askre8ate non8entsiakon tsi nenkatonnhokten.”

To non8a naieiere ?

Onen tenhnon non8a aonsaiontatehiahrah8en tsi-
ni ionnontonnionk8a, tsini iontatiatha nok tsini ion-
tieranions kanonskon, atste, ononsatokentike nok oni
ka ok non8e itiens.

§ 2. AONSAIONTONNHAKANONNI.

*Oh naieiere nonen saeri8atsenri tsi iakori8a-
neren ?*

Aonsaiontatre8ate nakonikonhrakon, ak8a aonsa-
leri8as8enseke tsini iakori8aneren.

Toni karihoten aonsaiontatre8ate ?

Aonsaiontatre8ate kon8aiats, ak8a aonsaieri8as-
senseke tsi iakori8aneren, nok aionterientasahaseke
oni iah taonsaieri8anerake nohnaken.

*Aonton ken nakaonhatsi8a aonsaieri8as8enseke tsi
iakori8aneren ?*

Iah taonton, tsi ok ahon8aneken ne Ra8enniiio a-
sakonikonhrataa naieri8as8en tsi iakori8aneren ; nok

oni taieiatoresite nakaonha tsini iori8ake ieri8as8atha ne kari8aneren.

Eso ken iori8ake ieri8as8atha ne kari8aneren ?

Eso iori8ake: 1. Taieiatoresite, aonhaa tsini iori8a tsanit ne kari8aneren, aseken ioiataksatha nonk8a-tonnhetston, tsiniiot notkenseri kentaksatha ne te-Saieronke kenha tsi 8ete8enheie.

2. Taieiatoresite tsina teiotenonhianiton ensakohre-Sate ne Ra8enniiio non8entsiakon, enskat ok oni aia-kori8anerenhake.

3. Taieiatoresite tsini iakokaronnis ne kari8aneren, iken tsaeri8anerake tiakotkaronniaton ioianerensta-k8a nakottonnhetston, iah oni tetsion8esen nakoni-konhrakon, ak8ekon oni iahte tsiakonaktaien ne ka-ronhiake.

4. Taieiatoresite aonhaa ne kari8aneren roiatanen-taktakon Iesos sonk8a8enniiio tekaiasonteke, ne ra-8enheiaton sasonk8enheiasse.

5. Taieiatoresite tsini iori8atsanit ron8anikonhrak-satha ne Ra8enniiio, raonhatsi8a tsini haiatanoron, tsini honikonhriio, tsini hotanitenraskon, ak8a iah othenon tetiotokte tsini haiatoten.

Nahoten ietokatha tokenske tsieri8as8ens tsi ia-kori8aneren ?

Ne ietokatha, 1. tsini iosatste iakonikonhranon-Saks, tikenha tsi iakoterientare aiaikonikonhranon-Sakseke nothenon aiaotkaronniaton nak8ah ienonk8a. 2. Ne oni ietokatha tsi 8ahon8ari8aienhase sesakoronk8enni tsineniakoiata8en, tsinensakoierase. 3. Ne oni ietokatha tsini iontsteniarons taonsaieri8aserako.

§ 3. AIONTERIENTASA.

Iah ken taonsonterake8e tsi iakori8aneren iate iakoterientason?

Iah enskatha taonsonterake8e ; okeken senha ron8anikonhraksatha ne Ra8enniiio, ne ron8a8ennore8ak8a tsi iontons, onen se8akatonnhakanonni, iahse tokenske teken.

Nahoten ietokatha tsi iah tokenske teiakoterientason?

Ne ietokatha, onen tsini tia8enhon iontsteristha kari8aksensk8eokon ne ionsteristak8e arekho tsi tsiontateronk8enni.

Senha katiken iori8atsanit naonsaiontsteristekari8aksen tsiakorihontionne?

Senha ne iori8atsanit, aseken ron8akenrenseronhis ne Ra8enniiio sakotenronne.

Onka senha ori8iio tsi tsiakotatre8aton?

Ne kon8aiats senha ori8iio tsi tsiakotatre8aton, nene niatehaiati ne ra8enniiio raori8a tsi tsiontatre8atha, tsini iahtiiiai8e8e tsini hoianere.

Nahoten iontsennonniatak8a netho niot tsi tsiakotatre8aton?

Ne iontsennonniatak8a ok sa ok sonterake8e naori8anerahaksera, Ka8enniiio ki ionskaneks naonsaiontateronk8ase.

Onka ne tikenha ori8iio tsi tsiakotatre8aton?

Ne kon8aiats tikenha ori8iio tsi tsiakotatre8aton, nene neok tsiontatre8atak8a tsini 8ahetken ne kari8aneren, tsi oni niietsanis noneshon, nok tsini ennhatens ne karonhiake.

Nahoten iontsennonniatak8a nehniiot tsi tsiakotatre8aton?

Ne nennee iontsennonniatak8a, ense8aterake8e sane nakori8anerahaksera, tsi ok tenhnon ensakoterennaienhase ne skarake8atha.

Nahoten iontsennonniatak8a, ne ok aori8a tsiontatre8atha nothenon sonha non8entsiake?

Iah othenon teiontsennonniatak8a, aseken iahtehaiatare ne ra8enniiio tsi tsiakotatre8aton.

Ak8ekon ken iontsennonniatak8a ne ierihoktha Tsiontonnhakanonniatha?

Iah ak8ekon te iontsennonniatak8a, iken notiake ne ok ne iontsorianeronk8as, iahse tokenske tetiaka8ehtak8en naka8eriane.

Se8aterake8as ken tsi iakori8aneren ne tsiori8ati ate tsieri8as8ens?

Iah othenon te se8aterake8ahtha; tsi ok ak8ekon satetsies8ens ne iori8atsanit nahoten, ne ok ense8aterake8e ak8ekon.

To kati niiakoiata8ens niakori8ancrahakskon, tiotkon sane tsiontateronk8ennis nok iahtesiontatre8atha?

Iah othenon tetiotokte tsini iakori8anerenhenhathies, senha iontatenikonhrahnrats kari8aksenke, iah-tetsietsanis naeri8anerake, nok oni se8atierens ok-tontaia8entsi 8ahiheie, iatetsiakotatre8aton.

§ 4. AHON8ARIHOKTASE.

Kani kaien ne kaierihaton aieri8aierite?

Ahon8arihoktase Iesos rori8a8ase tsinikon iakori8aien ne iotaksen.

Oh naaßen, iorißatsanit iakorißaseton, tsioterakeßen ken notiake tsi iakorißaneren?

Iah enskatha tetsioterakeßen; ne tenhnon senha iorißatsanit iakorißanerahakton, aseken iakorißaiesaton seßatateronkßenni.

Tonaieiere nonen sesakoronkßennire?

Ok etho taiontontsoten tsi renteron; taieiasonten, aiairon: "Rakeni, takßaterennaienhas, aseken ßake-rißanerahakskon;" nok aierihokten *Tsiontateronkßennitha, ii akerißa naieniharho.*

Tonaieiere nonen iakorihokte tsi iakorißaneren?

Aiairon: *Ethonikon kehiare; akßekon sakatatresate nok oni tsinikon nialekehiare; askitenre, askenatonhase taonsakerißaserako.*

Tonaieiere nonen Sasakoterennaienhase ne skarakeßatha?

Ethone akßa aionkßisron nakonikonhrakon aon-saiontatresate; aienrheke, iah nonßenton taonsakerißanerake nohnaken; nok skennenha aierihokten *Tsiontonnhakanonniatha.*

§ 5. TAONSAIERIßASERA KO.

1

Nahoten ne teskarißaserakßen konßaiats?


Teskarißaserakßen konßaiats, tsi shonßanikonhraseronnis ne Raßennio ronßasentennihne, nok oni tsiontatenikonhraseronnis nonkße, iontatenikonhraksatonne.

Nahoten shonßanikonhraseronniatha ne Raßennio?

Ne shon8anikonhraseronniatha, atatiesaton, ataitenron, entakon, karonhiakenhon; ne oni shon8anikonhraseronniatha naieri8aierite tsi nahoten ensakonatonhase se8atateronk8ennike Iesos rori8a8ase.

Nahoten tsiontatenikonhraseronniatha nontateken-son?

Ne tsiontatenikonhraseronniatha naonsaiontatieritse tsiniiiontatkaronni.



OKARISTIA.

Toni karihoten Okaristia?

Okaristia kon8aiats, Ori8atokentiko8a, ne roiata-setak8enhaties raonha Iesos sonk8a8enniiio, ak8a tsi-ni haiatoten karonhiake, iken ne raieronke, raonek8ensa, raotonnhetston ak8ekon oni ne raoniosera, etho ionatasetak8enhatie tsi kaieronni kanatarokkenha, otsitsia kenha oni.

Katke nihori8ison Iesos Okaristia?

Entakta tsihon8ariosere.

Nahoten ra8eron tsahari8isa Nokaristia?

Ra8eron, tiotkon akari8ateke kari8iiostonke tsinihoieren sahon8ario.

Oh nihoieren sahon8ario?

Ro8enniioston Niiio Roniha ne raieronke, raonek8ensa nok raoronhiakensera ne taonsahari8asera-k8ate tsini iakori8aneren nonk8e.

Sekon ken non8a niho8enniiostha ne Roniha tsinihoieren nethone?

Sekon nihoSenniiostha tsi iakohasen niateSenni-serake.

Teskiatieren katiken tsi iakohasen tsini hoieren sahonSario?

Ak8a ok ne saori8at 8ataties; sekon non8a niatekahaserake iakohasenton sesonk8askontak8en-haties.

Oh nihatierha Iesos Okaristiakon?

Onen tsini tia8erhon shonikonhraseronnihaties ne Roniha tiotkon ron8anikonhraksatanions nonk8e; sakotenranions oni onka kiok 8ahon8aiatisake nok oni sakotiennis ne ron8anaktotani nakonikonhrakon.

Sonk8annhaon ken ne Ra8enniiio naete8aiataraseke Okaristia?

Ak8a sonk8annhaon, ensakohre8ate oni niate ionts-teristha asakotienhase, iken ron8anaktannhese aka-8eriane, katkeha oni ne raonha ensesakonaktannhese karonhiake.

Nahoten iontsennonniatak8a naeiatarane?

Ne iontsennonniatak8a tsi raonha Iesos sakotien-nis on8e ak8a tsini haiatoten karonhiake; ne oni iontsennonniatak8a tsi ak8a 8ahaianerenste nako-tonnhetston.

Ak8ekon ken iontsennonniatak8a naeiatarane?

Iah ak8ekon te iontsennonniatak8a; otiake okeken senha iakotatkaronniionhatie tsi sakotiennis.

Ok nakentiohkoten niah othenon teiontsennonniatak-8a tsi sakotiennis?

Nene kentiohk8aksensk8a, iakori8aseton se8ata-teronk8ennike; nok otiake ori8ak8ekon sane ron-

Sarihoktani ne sesakoronk8enni, nok iatetiakoni-konhrasahaton niatekakonte aonsaiakorihonti ; nok otiake tsiniiot ne iontenno8entha nahenterontake Ok-aristiiakon.

Aka8entakon ken niienhre, akiatarane ?

Ak8a aka8entakon ne skennen tiiakonnhe. Ason-then naontaiontasa8en niah othenen taonsaieke, iah oni othenon taonsaiehnekihra.

Teiontskahons ken Nokaristia ?

Iahta teiontskahons ; ok skennen tahonhnek8ane.

To naieiere nonen sakotiennire ?

Ak8a aionte8eienton tsini kahaseres ieiatarasere ; aierihokten ieiatarastha.

Nahoten ieherha tsi iehasentak8a nonen ieha-senne ?

Kanatarok ieherha otsitsia oni.

Tiotkon onte ken kanatarok iken otsitsia oni ?

Iahten. Tsinaha8ennahnoton ne rohäsen tsini ho-ieren Iesos sahasa Nokaristia ; ethone natese8attenies ne kanatarok otsitsia oni, Iesos raieronke nok raone-k8ensa 8atons.

Tsi tehaiaks Nokaristia, iah ken tatehoiatiaks Iesos ?

Iahten. Ne ok tehaiaks tsi kanataraieronni.

Kanonk8ati raiatare Iesos nonen teiakokhasion Nokaristia ?

Oktatetsiaronkon tehaiatare.

Tokat kenni8aa sakonnhonton, raiatak8ekon ken sakotienni ?

Raiatak8ekon sakotienni, aseken raiatananon O-karistiiakon.

*Tokat tekaiasere ensakonnhonho, tekeni ken ten-
sakotienhase ?*

Iahten. Enskat ok ioriSentaon ensakotienhase.

*Thahtenties ken Iesos karonhiake nonen Sahatien
Nokaristiiakon ?*

Iah heren tehretha ; tenteron karonhiake, renteron
oni Okaristiiakon, aseken iah othenon tehonoronse.

Tekiattihen onte ken Nokaristia ne tekaiasonte ?

Ak8a eso tsi tekiattihen ; iken ne tekaiasonte, ne
ok 8atenientenstakon tsi ron8aiatanentakton ; nok
Nokaristiiakon tokenske on8e renteron.

Toni karihoten naontiesate tsi sakotiennis ?

Ne aonhatsi8a iori8atsanit tsinikon ieri8anerahak-
tha non8entsiake.

*To naieiere ne iakolahitakhe ahon8aienterhane ne
Ra8enniiio ?*

Niate 8enniserake ahon8anekenniheke nasako-
tenre, karo naiaiheie, tosa non8enton aiontiesate tsi
ensakotieuhase.

To naieiere naienrheke, tosa akatiesate ?

Aonsaiakorihonti tsini iakori8annihikonhaties ; a-
kon8atek8enniheke ne kari8aksen, nok akon8ehia-
brontie tsi iakori8iioston.

Toni ioterihonte Nokaristia.

Tekeni teioterihonte, Ra8enniioke, tenhnon on-
k8ehne, aseken aonha Nokaristia tetsiakorahnekens
nonk8e nok ne Ra8enniiio, tehonatekhasionne.

*Oh niiot tsi ioterihonte ne Ra8enniioke non-
k8ati ?*

Ne tsi iatetsiotata8i naonnise katsenensonha ron-

Saiennisk8e ne Ra8enniio ; nok non8a ne ok shon8a-
iennis Iesos raieronke nok raonek8ensa ; nene *Ie-
hasens* kon8aiats.

Oh niiot tsi ioterihonte onk8ehne nonh8ati ?

Ne nennee tsi sakotiennis naeiatarane, ratsientani
nakottonhetston, aiakonikonkatsteke †tosa aiakosenni
notkon, tsi iieks ne raieronke nok raonek8ensa ; ne
Ori8atokentiko8a kon8aiats.

*Iakonaktote ken nok tiiakonk8esonha ahon8a-
ienhase ne Ra8enniio Iesos raieronke nok raone-
k8ensa ?*

Ok eken ioteri8ison Niakori8iioston okon, tsi ion-
terennaiens, taiakoiena8akon ne rohasen, nahon8a-
ienhase Iesos raieronke nok raottonhetston, aien-
rheke, akanoronke tsi katerennaiens.

Ohni karikoten iontathasennis ?

Ne aonhaa 8aterennaientakseranoron, aseken iah
onk8e akoterennaientaksera, Iesos Sonk8a8enniio
raoterennaientaksera ; ne ok ia8et raonnhatsera ne
rohasen.

XXXXXXXXXXXXXXXXXXXXX:~:XXXXXXXXXXXXXXXXXXXXX

IONTERENNAIENTAK8A.

Teieiasontha.

† Rasennakon Roniha, nok Roienha, nok Rotkon
roiatatokenti. Ethonaia8en.

Iesos roterennaientakserison.

Tak8aienha ne karonhiake tesiteron, aiesasenna-
ien, aiesa8enniiostake, aiesa8ennarak8ake non8en-
tsiake tsiniiot ne karonhiake tiesa8ennarak8a.

Tak8anont ne ken8ente iakionnhekon niate8enniserake ; sasanikonrhen nionk8ari8aneren, tsiniiot nii tsionk8anikonrhens othenon ionkinikonhraksaton nonk8e ; tosa aionk8asenni ne kari8aneren, ak8ekon erensa8it niotaksense. Ethonaia8en.

Raronhiakeronon rao8enna.

On8ari tekonnoronk8anions ise tsiati ioianerengtak8a, Ra8enniiio senik8ekon, sonhaa nakonnhetien tsini hiakonniensta ne Niio, Iesos oni hetsienha raonhaa tsini hon8asennaiens.

On8ari saiatatokenti, Niio hetsienha, tak8aterennaiehenas ionk8ari8anerahakskon non8a nok oni tsi nentiak8enheionsere. Ethonaia8en.

Ratik8ekon ne raoti8enna.

Te8akehtak8en Niio Roniha iahothenon tehonoronse, rote8eiennonni karonhia on8entsia oni.

Te8akehtak8en Iesos Kristos raonhatsi8a Niio Rolenha Sonk8a8ennio onk8e rotonhon, ne roiatison Rotkon roiatatokenti ; On8ari rote8eton, iate kana8aienteri. Ethone si hoterihontak8e Konks8irat ron8aiatsk8e, roronhiakenhon ne Iesos, ron8aiatantakton tekaientannhareke, ra8enheion, ron8aiataten, on8entsiakon iehokton, nok asen8atontha nisseniserake shotonnheton. Karonhiake iesha8enonton, ethokati non8a ieshenteron tsi ra8eientehtakon ne Roniha iahothenon tehonoronse, tentesakoiatoretane neniakonnheke nok oni niako8entaon.

Te8akehtakon oni ne Rotkon ak8a roiatatokenti Sonk8a8enniiio, Kentiohk8aien otiohk8atokenti, on8entsiak8ekon saktiohk8at, iken teiontatseronni-

ennis akoiatatokentison, se8aterake8as iakori8aneren, entsiontonnhete niako8entaon, iatekakonte ientsiakonnheke, Ethonaia8en.

Tsiontateronk8ennitha.

Niio ise Se8enniiio tsi iakionnhe, iah othenon tesanoronse satontek ; ise oni On8ari saiatatokenti, iate senak8aienteri ; Sishe satkon seronhiakehronon, Sa8atis saiatatokenti ; Tier, Kor oni Iesos hetsiseni8ennenha8ak8e, se8ak8ekon ne Se8aiiatatokenti karonhiake tise8anakere, ise oni hetseri8a8ase ne sonk8a8enniiio Iesos, se8ak8ekon tsiatontek, onen 8akeri8aienterene tsini 8akeri8aneren kennontonniontserake, ke8ennake, ke8eiennake oni; ii akeri8a, ii akeri8a, ii akeri8ako8a. Onen kati On8ari saiatatokenti, iate senak8aienteri ; Sishe satkon seronhiakehronon. Sa8atis saiatatokenti, Tier, Kor oni Iesos hetsiseni8ennenha8ak8e, se8ak8ekon Se8aiiatatokenti karonhiake tise8anakere, ise oni hetseri8a8ase ne sonk8a8enniiio Iesos, se8ak8ekon k8ennitentase nask8aterennaiehase, aonsonterake8e tsi 8akeri8aneren. Ethonaia8en.

Oieri niha8ennake ne Niio.

1. Saiatat ok Niio hetse8ennijostak raonhatsi8a Ra8enniiio tsi sonnhe.
2. Tosa hetsennaiesat Ra8enniiio raosenna.
3. Satsterist ia8entatokenton Niio ra8ennisera.
4. Sekonniienstak iesaienha, aionnise asonnheke.
5. Tosa seiaset nonk8e.
6. Tosa satenak8aiesat.

7. Tosa senensko.
8. Tosa seienno8enten.
9. Tosa saskaneksek kanak8aiestsera.
10. Tosa saskaneksek akoren ako8enk, aserheke akenensko.

Tsiatak nika8ennake ne Kentiohk8atokenti.

1. Tsiatarak ohaseratokentonke Niio ra8ennisera-
ke, nok oni tsi ia8entatokentaserons.
2. Satsterist ia8entatokenton okonha.
3. Aonsaiesaronk8ase arahonne enskat tsiniioseres,
4. Ahiatienhase Iesos arahonne tsinonsahaton-
nhete.
5. Satsterist iaka8entontiettha, kaiëri niiok8enra-
ron kon8aiats, entakta ne 8entanoronson, nok oni
ne kaiëri ni8asontashen karo8a tsi nonsahatonnhete.
6. Tosa se8arak ron8aiatanentaktonne Senni-
serate.
7. Aontaseri8aierite othenon tentsenon8eronnion-
take ne Ra8enniiio nensatonnisahase.

Iakori8iiostakon.

Se8enniiio te8akehtakon ak8a ori8iiio tsinikon ion-
k8arionniennis ne kentiohk8atokenti, aseken ise tisa-
8enninekenhon niah taonton asenno8ente.

Iakorharekon.

Se8enniiio ak8ah 8akerhare nenskiena8ase tsina-
kiere ne karonhiake akatsennonni,ne enskitenrate tsini
sonk8atsennonniatenni Iesos sonk8a8enniiio, aseken
ethonisk8arharatstenni.

Ron8anon8esta Niio.

Se8enniio sonhatsi8a konnon8es akenikonhrak8e-
kon, aseken iahtiaiehe8e tsini saianere ; nok ise sari-
8ake kenon8es ak8ekon nonk8e tsi nii nikatatenon8es.

Tsiontonnhakanonniatha.

Niio ise se8enniio tsi iakionnhe, onen 8akeri8a-
ienterene tsini 8akeri8aneren ; ak8a tokenske iate-
kattokha, 8akite on8e tsini 8akieren, niia8eta kon-
nak8atenni, kon8ennontion. Onen kati non8a saka-
tatre8ate, skeri8a8ens tsini 8akerikaneren, iken ise
seri8a8ens ne ieri8aneraks. Ne ki skatatre-
8atak8a tsini konnon8es, sonhaa tsini sataniten-
raskon, sonhaa aiesanon8ehake naionttokhake nonk8e.
Onen ki non8a se8akatonnhakanonni, ak8a te8aken-
nikonhrasahaton, ikehre iah non8enton taonsakeri-
8anerake, iah non8enton etho taonsakiere tsinen8e
enkonnheke. Takitenr Iesos, sasanikonrhen tsini 8a-
kieren ; Sari saiatatokenti, takitenr fak8aterennaien-
has, ahakitenre Iesos hetsienha, karonhiake aha-
kiatinionte tsinenkatonnhokten. Etho naia8en.

Teiontskahonne.

Se8enniio, 8akon8enniioste ne tekatskahonne ;
rasennakon Roniha, nok Roienha, nok Rotkon roia-
tatokenti. Etho naia8en.

Tsi naek8entane.

Nia8en, Se8enniio, 8asetsienten ne kieronke, ase-
tsienten oni nak8atonnhetston ; rasennakon Roniha,
nok Roienha nok Rotkon roiatatokenti. Etho naia8en.



KONTIRISA8ENIIOSON

IAKORISIIOSTAKON.

1. Ranakere on8e, *Niio*, iah othenon tetiotokte tsi-ni haiatoten ; roronhison, raon8entsion, nok raonha-tsi8a Ra8enniio ori8ak8ekon.

2. Tsi sonk8aiatison ra8eron : Aionkienterihake, aionkenon8ehake nok aionke8ennarak8ake non8en-tsiake, etho naonta8e taiontentsa ne karonhiake.

3. Kaieri niiakori8aien nonk8e ne kanoron : 1° tsi eniaiheie ; tenkiatekhasi nieronke nakotonnhetston, tsiniore entsiontonnhete. 2° Tsi tensakoiatorete ne Ra8enniio, ien8atkontak8e on8e tsi ok nenhari8isa. 3° Tsi teniontonnhakariaseke iatekakonte non8entsia-kon niakonk8etaksens. 4° Tsi eniontsennonni on8e karonhiake ne tiakori8aieris.

4. *Asenseratokenti* kon8aiats, tsi enskat ok rana-kere ne Niio, asen natehaisere, Roniha, Roienha, nok Rotkon roiatatokenti. Asen sane nihati ; nok sa-tehonnas, aseken sahaiatat Niio nasen nihati.

5. Niio Roienha onk8e rotatonni ; tehotatek8enni oieronta nok natonnhetston tsiniiot nonk8e ; ra8e-ron : Aiontsennonni nonk8e tsi etho nihoieren. *Iesos Kristus* ron8aiats. Rotkon roiatatokenti roiataten Non8ari kaiatakon ; roienha kati ionthon Non8ari ioiatatokenti tsi aonha rote8eton.

6. Niio Roienha Iesos Kristos rotateSenteton te-
kaiasantne nasonk8ari8ahtonten ne kari8aneren, nok
naonsasonk8askontako noneshon.

7. Ori8iio ionk8aterientare Niio nihaiatoten ne Ie-
sos Kristos, nok tsi karonhiake nitia8enon ne raori-
8iio8tontsera ; aseken sotsi iori8anerak8atenions tsini
hotieranion ; ak8ekon roieriton tsini hotiieren ne roti-
tokensehak8e ; roiatatokentiko8a nihaiatotenne ; on-
Sentsiak8ekon tesakos8atetenni ne raoianerensera-
tokenti ; tesakoreniaton nonSentsiake Sitaheronon ne
ron8ario, sekon non8a nihatinakere.

8. *Kentiohk8atokenti* kon8aiats akotiok8ak8ekon
Iakori8iio8ton onSentsiak8ekon teiakorenihon, ron-
8atiko8anens Ratiri8a8akonson, sakorihonte Nari8a-
8akonko8a ; nok ne ratiri8a8akon ne iesesakotirihonte
ne ratitsihenstatsi okon.

9. Ari8a8akonko8a ratik8ekon ne Ratiri8a8akon-
son ratiatak8eniios kari8iio8tonke ; ne kon8aiats
Kentiohk8atokenti ionk8arionniennis ; Iesos sako-
nhaon tsi ionkitokatennis ne rorihotasionk8en kari-
Sanoronson. Sako8enniioston oni tsi ok nahoten aion-
kiiatenientenseheke nonSentsiake, ne iah karonhiake
taiontsennonni niatenieri8aierithe.

10. Iate ieiatare Iesos rotiohk8ison, iateiakohaha-
ien karonhiake aiontsennonni. Kaieri niiori8ake kon-
8aienterestha nonSentsiake : 1^o Sakentiohk8at non-
Sentsiak8ekon, sakari8at iakori8iio8stakon, sate iako-
8enk tsini hoson Iesos nori8atokentiko8a, tehon8ati-
8ennakanere Ratiri8a8akonson, ne nenneh iateshon-
Sakanere Nari8a8akonko8a. 2^o Aonhaa iotiohk8a-

tokenti koSa aseken roiatatokentikoSa ne rotiohkSison, oSennatokentikoSa ne raoSenna, oriSatokentikoSa ne roriSisahannhon, iah oni kaneka nakte te kaien nakoiatatokenti, nok eso ne ioriSanerakSatenions roriSanirhatston Iesos teieiasontha nakarikiiostontseroten. 3^o AonhatsiSa onSentsiakSekon teiorenihon, nok tsinenSe enionSentsiateke iah nonSenton tiiaonhton, aseken ehnihuriSison ne rotiohkSison. 4^o RatikSekonne nitiaSenon, aseken rononha tehotiriSareniaton nonSentsiakSekon, nok raotinaktake ratiteron ne nonSa teshatiriSareniatha, nok tsinenSe ethoneniohton.

11. Iontatseronniennis nakoiatatokentison konsaiats, tsi sate iakoSenk iontsennonniatha kariSiiostonke, ne sekon iakonnke nonSentsiake, nok nakoiatatokenti karonhiake tieteron, nok niakotiaktani tsi tetieseronniatha, naiekarokten RaSenniioke. Etho niteSes tsi ietiiennitentase Ioiatatokenti Sari, Eronhiakehronon, nok Nakoiatatokentison. Etho oni niteSes ietiiatakennkas tsi tetieseronniatha tetsieriSaserakSas, tsi ietiiaterennaiennis, nok tsi ietiiennis ne ionkSariSaieritonhatie kariSiiose okonha nonSentsiake.

12. Oieri nihaSennake ne Niio. Ne kontiriSakSennios sakotentientense nonkSe : 1. AhonSasennaientakSake, naontaiakaSehtakon, nok tsi aiakorhareke naiontsennonni, nok tsi ahonSanoronkSake raonha, onkSe oni aiontatenoronkSake, nok tsi aienoronkSake ne kariSiioston. 2. Tosa ahonSasennaiesate. 3. Tosa aiontenniseratiesate ne raSennisera. 4. AiontateSenarakSake nontatienha, iontatkoSanens oni. 5. Tosa aiontatsSen, tosa aiontateriio, tosa aiontatkenrense-

ronni, tosa aiontateri8anerahakten. 6. Tosa aiakori8aientake kanak8aiesatsera. 7. Tosa aienensko, tosa oni aiontakaronni nonk8e. 8. Tosa aionno8ente. 9. Tosa aionskanekseke akoren ako8enk. 10. Tosa oni aionnontonnion ne kanak8aiesatsera.

13. Tsiatak ni8onk8atenientense ne Kentiohk8atokenti: 1. Aiakenniseranoronk8ake ne ia8entarorons-tanion; 2. aieiatarake tsi iakohasen Niiohne nok oni tsi ia8entatokentaserons; 3. aonsaiontateronk8enni-heke tsioseratson; 4. aieiatarane tsinonsahatonnhete; 5. aiaka8entontiete ne kaieri ni8asontashen tsi shaton-nhethe, kaieri riio8enhraron nok nentakta ne 8entanoronson; 6. aionte8aratka8e ron8aiatanentaktonne 8enniserate; 7. aiakoti nononsatokentike nonen iakoienthok8en.

14. Kari8aneren kon8aiats tsi ron8a8ennonties ne Ra8enniiio nok tsi kon8a8ennonties na Kentiohk8atokenti. Kari8anerahakserakaion kon8aiats ne raori8anerahasera totierenton nonk8e Atan, sonk8ari8anerahakserarhon, ak8ekon ionk8aiatoronhatie nonk8e Sete8aton. Kari8anerahakserase kon8aiats ne ii tite8ennontons, nonen te8attokha, hetsite8a8ennonties ne Ra8enniiio; otiake iori8atsanit, nok otiake kenniiio-ri8aa tsi ieri8aneraks.

15. Tsiatak Nikontiri8anerahakserak8enniiios, ne iohna8eroton ne kari8anerahaksera okon. Kanaiesera, kanionsera, kanosasera, kanak8aiesatsera, atetsen-sera, kanak8ensera nok iakentorha.

16. Iah othenon taete8ak8eni naonteteSari8aierite karonhiake aori8ake, niahtasonk8aiena8asera ne

Ra8enniio. Tiotkon kati sakoicna8ase ne ionteren-
naiens, nok ieri8anoronk8a tsi ron8a8ennahnotons,
nok ieri8aierits Nori8atokentiko8a, nene sonk8ate-
niententsera8i Iesos naionk8aiatatokentiste. Ak8e-
kon enskatson iotik8eniatseraien naionkiiatsennon-
niate.

17. Iontatenek8ahestba skarake8atha kari8anera-
hakserakaion nok Ra8enniio sakoienokonha, Ken-
tiohk8atokenti oni akoienokonha ionk8aiatotenstha.
Iontatkentsiokhas ionk8a8is ne Rotkon roiatoken-
ti, ak8ekon oni tsini hoiens nasakotenre nonk8e. O-
karistia kaha8e Iesos raieronke, raonek8ensa, rao-
tonnhetston nok raoniiosera, tsi kaieronni kanata-
rokkenha otsitsiakenha oni; ionk8aiatanentaktha tsi
renteron Iesos naetionnhekon tsi ronnhe. Se8atate-
ronk8enni skarake8as ne iakori8aneren tsinahe tia-
kotenek8aheston. Iontatiatokhas niakonon8aktani
ionk8aiena8ase Ra8enniioke aete8enheie. Iontateri-
hontak8a ne ratihasens iakok8eniatsera8is iakoiena-
8ase oni ne Ra8enniio raori8a aiakoterihontake. Te-
8ateranekenseratòkenti Ra8enniioke teiakorahne-
kens ratsin nok tsiathon8isen, nok iakoiena8ase
skennen taiakonnheke non8entsiake, kari8iiostonke
oni aiontatehiaron nontatienokonha.

18. Naieri8aierite Se8atateronk8enni, Sisk niiori-
8ake tsi naieiere: 1. aieri8aienterihake Niio raoiane-
rensera; 2. otokenhon aiontennikonhrisake tsini ia-
kori8aneren; 3. akonihonhrakon aonsaieri8as8enseke
tsinikon iakori8aiens niotaksen; 4. ori8ak8ekon ahon-
8arihoktase Ra8enniio ro8ennenha8e tsinikon iake-

hiare ; 5. aiakoterientason naierikaierite nahoten ensakotenientense aienrheke, iahtaonsakeriSanerake.

19. Tsi tsiontateronk8ennis, ne ok ense8aterake8e nakoriSanerahaksera 1. akonikonhrakon tsiontats8ens, 2. Ra8enniiio raori8a tsi tsiontatre8atha, 3. oriSak8ekon tsieri8as8ens, 4. iakoterientason ne aierako nak8ekon aionte8entete, ak8ekon oni aiontkaronni, ka8enniiio ki tosa enskat oni aieriSanerake ne ioriSatsanit. Iah etho teiakonikonhroten, oktiieiakono8enton.

20. Aienrheke akeri8aierite tsi eniakoniake, 1. ahonSari8aienhase niare ne sesakoronk8enni ; 2. ne senha taiekanerake naiakori8iioston ; 3. tosa akarake ne teiotieronnion neniakoniake ; 4. tosa aiakoiatoron ne ne iori8atsanit ; 5. ne asakoterennaienhase Ra8enniiio ro8ennenha8e sakorionniennis.

21. Te8ateri8aserak8atha Kon8aiats, Iesos raoronaiakensera okon, nok oni nakoiatatokentison akoronhiakensera, ne kati sakoiakkonnis nari8a8akonko8a, nonen tsioterake8en nakoriSanerahaksera, takiatieste tsini iakotateronhiakenton non8entsiake, naiakoiensa8ase tsi tetsicri8aserak8as.

IONTATKENTSIOKHASTHA.

Toni karihoten iontatkentsiokhas?

Iontatkentsiokhas kon8aiats, ori8atokentiko8a tsi sakotiennis ne Rotkon roiatatokenti, nasakonikonhrahnrirate ne tosa aiakosenni notkenseraksen non8entsiake.

Onka ne Rotkon roiatatokenti?

Ne nashen ratontha nashen natehaisere ne Niio.

Ra8enniio ken ne Rotkon roiatatokenti?

Ak8a ne sahaiatat Ra8enniio ne Roniha nok Roienha nok Rotkon roiatatokenti.

Oh nikarihoten tsi sakotiennis ne R. r.?

Sako8is onikonhratokenti, etho ia8et naiakonikonhrotenhake tsini honikonhrotenne Iesos on8entsiake siresk8e.

Ak8ekon ken sako8is netho naiakonikonhrotenhake?

Iahten: tsi ok niakon nak8a iakotennikonhrase-ronni.

Ak8a katiken iotsennonniat naontatkentiokha8e?

Ak8a, aseken ne skak8atak8as naiakotiesaton tsi iakotenek8aheston.

Senha katiken ieiatanorons kari8iiostonke nonen iakotkentsiokha ?

Senha ; aseken tsi saka8enhienarhon Ari8a8akon 8enhienatokenti, iiore on8e neiatake tsi sakoiatara-k8en ne Ra8enniio, tsiniiot nakoskenrakehte, asteson aiakoteriiohake notkonseraksen.

Kari8aksen katiken niahteionsteristha nasakoken-tsiokha8e ?

Ak8a kari8aksen, aseken tsiniiot niahtiiekaieri tsi iakori8iioston narekho teiakotkentsiokha ; raonha Ari8a8akon ensakoieritse tsi iakori8iioston nensakokentsiokha8e.

Tonaieiere naieri8aierite tsi iakotkentsiokha ?

Ak8a akonikonhrak8ekon aiakoterientasonhonha-ke, aienrheke : tsinen8e enkonnnheke enkiatakénnha-seke ne kari8iioston ke8ennake ke8eiennake oni.

~~~~~  
**NIAHTE 8ENNISERAKE IONTERENNA-  
 IENTAK8A NE TOSA AIEHNEKAKASTE.**

Iesos iesanekanonten otsate iotsitsiatken tekaieston, ta8entenr.

Sari saiatatokenti, iah othenon tesaiatoronhon sa-saiatatata, tak8aterennaienas ne k8aniakesen.

Sari saiatatokenti, iontek8asentak8a tsi tesiteron niakori8anerahakskon, tak8aterennaienas.


## TSI TEIONNONSATASES.

Skaiatonseratson, enskat *Tak8aienha* enskat *8ari tekonnoronk8anion*; enskat *ahon8asennaien*, &c. nok *asetenre se8enniio tsi tetieseronniatha tieteron*; nok *tsi iehasentak8a*, are enskat *Tak8aienha* nok enskat *8ari tekonnoronk8anion*.

---

Ne tekanerenston naiontsennonni karonhiake, na-  
 iakori8ahniratonhatie tiotkon tsini iakoieren saontate-  
 nek8aheste, tsi iaka8en: “8akiatonti noneshonhro-  
 “non; onkerihonti noneshonhronon aori8a okon.  
 “Tokenske se8enniio, iah non8a taionke8ennakara-  
 “tate; ak8a non8a ii 8akiatonti noneshonhronon;  
 “onkerihonti naori8aokon; onkerihonti kanaiesera,  
 “kanak8aiesatsera; onkerihonti iakonon8arahtontha,  
 “iakonon8aroriatha; onkerihonti kanak8ensera, ata-  
 “ts8enhon; sonhaa, se8enniio, 8akonkenniioste tsi  
 “konnhe nok tsi enkiheie; ethonaia8en.”
















Ayer

3A

572



AYER

3A

572

